



Comune di Quartu Sant'Elena
Comunu de Quartu Sant'Aleni



MONUMENTUS DE QUARTU SANT'ALENI

Turri Su Forti

Est gràtzias a is primus bividoris de Mèrgini Arrùbiu chi su fortinu militari connotu comenti a Su Forti de su Mèrgini Arrùbiu s'agatat ancora, e pruschetotu tocat a torrai gràtzias a Leonardo Pisano, chi fiat andau contras a s'idea de ndi ddu sciusciai, faendi-du arrangiai e restaurai.

Oindii est unu de is monumentus stòricus de Quartu Sant'Aleni.

Custu fràigu dd'iant imperau po tempus meda comenti a logu de cultu de parti de sa comunidadi parrochiali de San Luca.

Segundu is studiosus dd'iat pesau su Gèniu Miltari in is primus annus de s'Otuxentus.

Su Forti fiat una strutura militari finas in sa Segunda gherra e sa Guàrdia de Finàntzia dd'iat imperau po parai fronti a sa bèndida a sfrosu e a su contrabbandu.